

Til Norðurlandaráðs

Finnland, sem fer með formennsku í Norrænu ráðherranefndinni, sendir hér með svar norrænu landanna við skriflegri fyrirspurn Norðurlandaráðs E2/2021 um samnorrænar reglur fyrir ferðafólk að lokinni bólusetningu.

Hinn 25. janúar 2021 beindi Norðurlandráð eftirfarandi skriflegum fyrirspurnum til ríkisstjórna Norðurlanda:

- Hafa hinar norrænu ríkisstjórnir í hyggju að taka upp samnorrænar reglur fyrir ferðafólk á Norðurlöndum eftir að bólusetning er hafin?
- Ef svo er, hvenær er slíkra sameiginlgera reglna að vænta?

Svar:

Heimsfaraldur COVID-19 hefur haft mikil áhrif um alla heimsbyggðina. Norrænu löndin eru þar engin undantekning. Útbreiðsla farsóttarinnar hefur verið misjöfn í norrænu löndunum og löndin hafa tekið ólíkar ákvarðanir til að stemma stigu við smitum og koma í veg fyrir útbreiðslu og það tjón sem af faraldrinum hlýst.

Heilbrigðistengdar öryggisráðstafanir í tengslum við ferðalög hafa verið taldar nauðsynlegar, einkum þegar um hefur verið að ræða mikinn mun á nýgengi COVID-19 eða ólík afbrigði veirunnar á milli landa. Norrænu löndin hafa, rétt eins og flest önnur lönd ríki heims, reist skorður við frjálsri för og innleitt ýmsar reglur varðandi einangrun og skimun ferðafólks. Markmiðið er að draga úr hættunni á frekari útbreiðslu COVID-19 í tengslum við komur ferðafólks og koma í veg fyrir að stökkbreytt afbrigði veirunnar dreifist. Aðgerðirnar hafa haft mikil áhrif, einkum fyrir fólk sem býr og starfar á landamærasvæðum.

Þess er vænst að bólusetning verði lausn á faraldrinum. Hingað til hafa þau bóluefni sem framkvæmdastjórn ESB hefur veitt leyfi fyrir reynst draga úr tilvikum með einkennum og alvarlegum tilvikum COVID-19. Á meðan stór hluti fólks hefur hvorki fengið COVID-19 né verið bólusettur, og þar með fengið vernd fyrir sjúkdómnum, er hættu á að faraldurinn vaxi og ekki er hægt að koma með öllu í veg fyrir smithættuna sem fylgir ferðalögum á milli landanna.

Ástandið er misjafnt á milli landanna og breytist ört. Þar sem staða farsóttarinnar er ólík frá einu landi til annars og stór hluti fólks á enn í hættu að smitast hafa norrænu ríkisstjórnirnar hingað til ekki séð sér fært að setja samnorrænar reglur um ferðalög. Þó er það markmið hinna norrænu ríkisstjórna að afnema takmarkanir á frjálsa för, sem og heilbrigðistengdar öryggisráðstafnair við ferðalög, svo fljótt sem verða má þegar þær verða ekki lengur nauðsynlegar til að verja samfélagið, í samræmi við löggjöf landanna.

Með vinsamlegri kveðju,



Krista Kiuru, fjölskyldu- og umönnunarráðherra